

# و رحل رمضان " حروب استرداد " | #خطبة\_جمعة | د. حازم

شومان

حازم شومان

نستعين به ونستهديه ونستغفره وننعواز بالله من شرور انفسنا ومن سمات اعمالنا انه من يهدى الله فلا مضر له. انه من يهدى الله فلا مضر له من يضل فلن تجد له هادياً مرشداً. يا ايها الذين امنوا اتقوا الله. اتقوا الله حق تقائه. ولا - 00:00:01  
الا وانت مسلمون. يا ايها الناس اتقوا ربكم الذي خلقكم من نفس واحدة. وخلق منها زوجها وبث منها رجالاً كثيراً ونساء واتقوا الله الذي تساءلون به والارحام. ان الله كان عليكم رقيباً. يا ايها الذين امنوا اتقوا الله. اتقوا الله وقولوا - 00:00:31  
قولاً سديداً. يصلح لكم اعمالكم. ويغفر لكم ذنوبكم. ومن يطع الله ورسوله فقد فاز فوزاً عظيماً. اللهم صل على الحبيب محمد وعلى ازواجه اتي المؤمنين وعلى ذرية وال بنته انك حميد مجید. اما بعد اخواني واحبابي في الله ورحل رمضان. لم يعد على - 00:01:01

رمضان اللي حوالي تمانية واربعين ساعة. وينتهي رمضان. جه امتى ؟ وراح امتى ؟ هو العمر بيعدي بسرعة لهذه الدرجة هي مواسم الخير بتتعدي بسرعة لهذه الدرجة. هي الفرصة فرص العمر بتتعدي بسرعة لهذه الدرجة. يا ليت شعرى من - 00:01:31  
المقبول فنهنئه. مين ؟ مين فيينا اللي ربنا قبله ؟ مين فيينا اللي فاز بليلة القدر او هيفوز بها في التلات ليالي اللي لسه في رمضان مين فيينا اللي ربنا كتبه من من اهل ابواب الجنة التمانية ؟ مين فيينا اللي ربنا اعتق رقبته من النار ؟ مين فيينا اللي ربنا عفا عنه - 00:01:51  
غفر لي يا ليت شعرى. من المقبول فنهنئه ؟ ومن المخذل فنعزيه ؟ ومين اللي طلع من موسم رمضان بدون هذه الغنائم والعياذ بالله. ومين اللي خزل فنعزيه ؟ واللي خزل في عطاءات رمضان ده هيحبها امتى تاني كما قال النبي صلى - 00:02:11  
 وسلم عن ليلة القدر من حرم خيرها فقد حرم كلها ولا يحرم خيرها الا محروم. النبي عليه الصلاة والسلام هو ده المحروم اللي اتحرم من رمضان هو المحروم. اللي اتحرم من ليلة القدر هو المحروم. من حرم خيرها فقد حرم الخير - 00:02:31  
 كل حرم الخير كل ليه ؟ لأن ليلة القدر مش كمان بالف شهر بس. ده اسمها ليلة القدر لأن بيكتب اقدار السنة بتاعتك كلها فيها. يعني السنة اللي جاية هي دي هترزق ولا لأ ؟ هيتفتح لك باب شغل ولا لأ ؟ هتتجوز ولا لأ ؟ مراتك هتحمل وتخلف ولا لأ ؟ هتروق ولا - 00:02:51

هتنجح في المادتين اللي انت شايل همهم ولا لأ. هتاخد الشهادة اللي انت عايزها ولا لأ. هتاخد الماجستير ولا الدكتوراه بتاعتك ولا لأ كل اقدار السنة الجاية بتكتب في دي. فانت عندك قرن من الزمان في الآخرة بليلة القدر. وعندي اقدار السنة بتكتب في ليلة - 00:03:11

فمن حرم خيرها فقد حرم الخير كلها. دنيا ودين ولا يحرم خيرها الا محروم. نسأل الله الا يحرمنا من الفوز بليلة نسأل الله ان يجعلنا من الفائزين بليلة القدر ورحلة رمضان. ما عادش يا جماعة على رمضان رمضان فيه لحظاته - 00:03:31  
اخيراً رمضان في انفاسه الاخيرة كما قال الله عز وجل عن رمضان في سورة البقرة اياماً معدودات. زي ما الام تقول لابنها يا ابني انا ايامي في الدنيا بعد يا ابني خد بالك مني النهاردة لانك ممكن ما تلاقينيش بكرة. ربنا قال لك على رمضان كده من تلاتين يوم. قال لك ان رمضان ايامه في الدنيا معدودة - 00:03:51

غير اخر خمسينية متر في الماراثون بتاع رمضان. ودايماً في السباق الطويل اي فارس او اي عداء بيجي في اخر امطار وبيجي

اخره. انت المفروض جايب اخرk الوقتي. المفروض انت جايب نهايتك الوقتي. امبارح معدى على القهاوي مليانة. دخلت

على - 00:04:11

احب اقول لهم يا جماعة الجماعه مليانة شباب والقهاوي مليانة شباب. انت مش غير اللي في الجامع ده احسن منك في ايه؟ انا وانا شايف منزr الشباب بيجري على الجامع يلحق التهجد. صفوف وراء صفوف. قلبي وعني. احسن مننا في ايه! الناس اللي جايبة اخرها في العبادة دلوقتي - 00:04:31

احسن ايمانهم اكتر من اللي قاعد في الغفلة ولا لسة قاعد قدام مسلسلات ولا لسة قاعد على قهوة ولا لسة واقف على ناصية ولا لسة قاعد يضيع عمره ده اخر اتنين وسبعين ساعة في رمضان. هم اخطر اتنين وسبعين ساعة في رمضان. ودايما عطاءات نهاية الطريق - 00:04:51

اعظم من عطاءات بداية الطريق. رحل رمضان. رمضان انقضى رمضان. وسينقضي العمر كما انقضى رمضان. عمرك بيتسحب من ايديك سنة ورا سنة وشهر ورا شهر. زي واحد دمه بينزف نقطة ورا نقطة هو مش حاسس انها تيجي لحزة وال عمر هينته. اووعي تهد اللي انت بنيته - 00:05:11

اووعي تضيع اللي انت كسبته. انت بقى لك سبعة وعشرين يوم بتزرع. بقى لك ستة وعشرين يوم بتزرع و بتتعب و بتبني و بتوب. اووعي تضيع. اووعي تضيع اللي انت كسبته. ولا تكونوا كالتي نقضت غزلها. من بعد قوة انكاثا. اووعي - 00:05:31

والباقيات الصالحات خير عند ربك ثوابا. مش بس ثواب. وخير املا. املك في الحياة كله هو العبادة اللي انت اعبد ربنا فيها ديت. دي اللي انت لما تقع في زنقة وترفع ايدك وتقول يا رب لك رصيد عند الله. بسبب عبادتك. استكثر من - 00:05:51

بينك وبين ربك سبحانه وتعالى. قضية كبيرة اووي يا جماعة. بس على فكرة هو رمضان لسة ما خلتش لان اخر اتنين وسبعين ساعة هم اخطر اتنين وسبعين ساعة. رمضان لسة ليلة سبعة وعشرين على قول جمهور العلماء ليلة القدر. لسة ليلة تسعه وعشرين. قال النبي صلى الله عليه وسلم التمسوا ليلة - 00:06:11

القدر فيه اخر ليلة من رمضان. ورمضان فلكيا السنة دي تسعه وعشرين والله اعلم بالرؤيا. لسة تلات ليالي وقد روی ان الله في اخر ليلة من رمضان قدر ما اعتق طيلة الشهر. لسة. لسة قدامك فرصة. لسة قدامك فرصة تقوم وتنطلق. يا اللي راح منك حتى الستة - 00:06:31

اليوم اللي فاتوا لسة قدامك فرصة العباس ابن عبد المطلب اراد الهجرة فقام ليهاجر كان النبي عليه الصلاة والسلام في اللحظة دي على بعد ستة كيلو من مكة في فتح مكة. خرج وجد جيش النبي عليه الصلاة والسلام. لحق كلمة مهاجر في اخر لحظة. قبل ما باب الهجرة - 00:06:51

بدخول النبي صلى الله عليه وسلم مكة. صحابي اسمه دمرة بن جنبد. دمرة رضي الله عنه وارضاه يعني تأخر عن الهجرة مع النبي عليه الصلاة والسلام. وبعد كده مرض شديد جدا وحس انه مرض موت. قال لاهله احملوني. انا عايز - 00:07:11 هتسافر للنبي عليه الصلاة والسلام ازاي ؟ هتهاجر وانت بتموت ده انت ما هاجرتش وانت سليم يا تاجر وانت بتموت ازاي ؟ احملوني فلما كان اول ما عدى التنعيم مات - 00:07:28

فاتريقووا عليه ابو جهل وابو لهب. قالوا لا هو لحق محمد ولا هو مات في بلده. فنزل قول الله سبحانه وتعالى ومن يخرج من بيته مهاجرًا ثم خد بالك من يخرج من بيته دي اللي المسلمين راضينها دلوقتي في درس في الجامع والله مش قادر انزل مش قادر اخرج في لقاء - 00:07:38

مش قادر انزل. فيه تحفیز قرآن مش قادر انزل. فيه تهجد في الجامع مش ومن يخرج من بيته مهاجرًا. ثم يدركه الموت فقد وقع اجره على الله. ربنا مش بيحاسبك انت وصلت ولا لأ. ربنا ما بيديكش الثواب على انك وصلت ولا لأ. ربنا بيديك السواب على انك مت - 00:07:58

في الطريق ولا لأ ؟ فالله سبحانه وتعالى اللي بيموت على الطريق بيعامله معاملة اللي وصل لنهاية الطريق. وكفى بهذا وكفى بهذا

بشرى علي ابن ابي طالب كان مريض في غزوة خيبر نايم النبي عليه الصلاة والسلام الجيش خلاص خارج قال انا اختلف عن رسول

الله - 00:08:18

النبي عليه الصلاة والسلام يقى خارج يجاهد وانا يا عم انت بتموت. انت عندك مرض في عينيك منيمك على الفراش مش قادر تتحرك. انا عن رسول الله صلى الله عليه وسلم خدوه متشار في غزوة غبر هتعمل ايه وانت متشار؟ راح هناك كان هو سبب الفتح. وهو اللي ربنا فتح باب الحصن الثاني - 00:08:38

اللي اليهود وزخيرتهم ودهبهم واموالهم كلها كانت فيه. وهو اللي افتح على يديه باب الحصن الثاني. كان سبب الفتح قم ما انتاش عارف ربنا هيفتح عليك ايه في الساعات الاخيرة من رمضان. فتوحات الله في نهاية الطريق اعظم من فتوحات كل الطريق. قم ما انتاش عارف ربنا - 00:08:58

ربنا يفتح عليك بايه؟ وربنا هيكرمك بايه؟ وما انتاش عارف العطاءات اللي لسه في نهاية رمضان ايه؟ اخواني في الله. رمضان كان معركة. رمضان كان معركة فينك وبين جنود الشيطان؟ الشيطان كان مجند ناس تضيع عليك رمضان. مسلسلات افلام اغاني - 00:09:18

لهم خبم رمضانية! شيش رمضانية! دورات رمضانية! الشيطان كان مجند ناس كتير جدا! حتى التبرج الوقتي لم يعد اوسي اهل التبرج في رمضان ولا اهل المعصية في رمضان. رمضان كان بيقى موسم كله بيكن فيه. اللي كاشفة شعرها بتغطيه. واللي شغالين في الفساد - 00:09:38

والبغى والبغاء والعياذ بالله ده اجازة. الوقت بقى موسم. موسم حتى للي بيتجروا في المخدرات والعياذ بالله. اللي بيشوف منزرا الامة امة محمد عليه الصلاة والسلام. ليلة سبعة وعشرين رمضان. الليلة ويشوف منزرا الامة ليلة العيد بعد تمانية واربعين ساعة - 00:09:58

يقول لا يمكن الامة دي هي الامة دي. اللي يشوف منزرا الناس بالليل الليلة في التهجد وهم رافعين ايديهم ورا الامام. وهو بيقول اعف عننا هم بيعطيوا ما يصدقش ان هم دول. هم دول اللي ليلة العيد اعلى نسبة بيع مخدرات فيها. ما يصدقش ان دول هم اللي بناتهم ماشية بالعربي ده - 00:10:18

الشوارع ما يصدقش ان كثير من الشباب اللي لا يقع في الزنا طول السنة لا يقع فيه الا ليلة العيد. ما يصدقش المنزرا بتاع الامة ليلة العيد ده هو ربنا قال واعبد ربك حتى ينتهي رمضان. هو ربنا قال واعبد ربك حتى تخلص ليلة سبعة وعشرين ولا واعبد ربك حتى - 00:10:38

اياك اليقين لحد الموت انت بتبعد ربنا. احنا ربانيين ولا رمضانيين؟ احنا احنا مع ربنا ولا مش مع ربنا؟ ربنا بيقول وما ادى له تبديلا هنكمي ولا مش هنكمي؟ هنكمي مع الله. او عى يكون نيتك ان يا رب بقى ان شاء الله انا معك لحد نهاية رمضان. وبعد كده نتقابل السنة الجاية - 00:10:58

جایة او عى يكون دينك بنس النية. بنس النية اللي هو يومين وخلاص بقى. رمضان ده اجازة بس من المعصية. رمضان ده اجازة من كل حاجة نفسی فيها وبحبها. انما بعد كده خلاص. انا هارجع فري في كل حاجة. او عى تكون دي نيتك. بنس نية المرء ان يكون بيشتغل مع ربنا - 00:11:18

يومين وبعد كده سنة ونتقابل تاني. او عى يكون ده نيتك او ده قصدك كان رمضان معركة. ولكن على فكرة يا جماعة المعركة بنهاية رمضان. بل المعركة ستبدأ بنهاية رمضان. انتم داخلين على معركة كبيرة جدا. كلنا داخلين على معركة فاصلة في حياتنا. معركة ايه - 00:11:38

ايه هو مش رمضان آآ كان هو اللي معركة وقاوم شهواتك وقاوم نفسك وجاهد جنود الشيطان وفيين؟ على فكرة يا جماعة المعركة الكبيرة بتبدأ بنهاية رمضان. ليه؟ لأن مردة الشياطين لا تغل خلاص. الشيطان خارج لك تاني - 00:11:58

الشيطان عارف انه بعد ما احتل اجزاء من قلبك ورفع عليها الرايات السوداء بتاعته النكت السوداء بتاعة المعاصي في القلب. بعد ما

الشيطان كان احتل قلبك. انت قدرت تحرر جزء من الاراضي المحتلة. قدرت تحرر جزء من المستوطنات الشيطانية جوة قلبك. قلبك فيه حنت بدأت تنور - 00:12:18

فيه حنت بدأت تبقي بتاعة ربنا بس. فيه حنت بدأت تتحرر من معاصي ومن شهوات. الشيطان خارج هي عمل حروب استرداد زي حروب استرداد من اجل انه يسترد كل حنة من قلبك. انت قدرت تحررها من الرايات الشيطانية في رمضان. فانت داخل - 00:12:38

معركة. الشيطان خارج لك فيها بنفسه. انت مستعد لحروب الاسترداد. اللي الشيطان هي عملها معك. انت فكرك الشيطان ان تلاتين يوم فرص عتق من النار. واللهم انك عفو كريم تحب العفو فاعف عنني. وصفقة القرن مع الله ليلة بقرين من الزمان ليلة القدر - 00:12:58 واعر وانت معتقد ان الشيطان ومن قام رمضان ايمانا واحتسابا غفر له. من قام غفر له. من قام ليلة القدر ايمانا واحتسابا غفر له انت معتقد ان الشيطان الكلام ده هي عدي عليه. هو انت ده هو طالع عايز يخسرك كنت كل اللي انت كسبته. ده هو طالع عايزك تطبق قول لا - 00:13:18

يخربون بيوبتهم باليديهم. عايز كل البيت العمران بالعبادة اللي انت بننته بينك وبين ربنا انت اللي تهدى باليديك. وكل الذكريات الحلوة اللي في العبادة مع الله. انت اللي تدوس عليها برجليك. الشيطان طالع حروب. انت مستعد للحرب دي ولا أ - 00:13:38 الحرب دي زي اي حرب عدوك فيها هو الشيطان. الشيطان لكم عدو بس لأن فاتخزوه عدوا. طب ما العدو لنا طب ما اليهود اعداءنا الوقتي الاعلام والمسلسلات الرمضانية كلها ما فيش مسلسل واحد بيتكلم على ان اليهود اعداء الامة. كل المسلسلات - 00:13:57

ان اعداء الامة هم المتدينين. كل المسلسلات ان اهل الدين بقوا هم الاعداء. وهم الارهاب وهم الخطر. وان كل متدين متهم حتى يسبت العكس غيروا العدو. العدو ما عادش اليهود. اللي واخد ارضنا ومقتل ولادنا وساجن شبابنا. ويصدر لنا - 00:14:17 المبيدات المسرطنة والاسمندة المسرطنة عشان يدمر صحتنا. ما عادش العدو هو اليهود. فانت ممكن تكون اه الشيطان عدوها خذوه عدوا. اعلن الحرب على الشيطان. اعلن الحرب عليه. لأن هو اعلن الحرب عليك. زي ما اليهود عالمين الحرب على الامة. ولكن الامة - 00:14:37

اه مش حاسين ان فيه معركة اصلا مع اليهود. يا راجل! فاتخزوها عدوة. اعلن الحرب على الشيطان. لأن هو كده هيعلن الحرب عليك انت عارف ان فيه معركة ولا مش عارف ان فيه معركة؟ عارف ان فيه معركة حروب استرداد بينك وبين الشيطان ولا أ؟ انت قلبك ده - 00:14:57

دلوقي حنة عبارة عن اراضي محررة ليس فيها الا الله وحب الله وحب العبادة. وحنت تانية عليها النكت السوداء ده اللي النبي عليه الصلاة والسلام قال ان من عمل معصية نكت في القلب نكتة سوداء. الرايات السوداء بتاعة الشيطان علامة احتلال المستوطنات الشيطانية - 00:15:17

في قلبك فيه جزء تاني لسة بتاع الشيطان. انت بقى لما هتنطلق عشان تحرر باقي قلبك. انت هتنطلق من الحنة المحررة. ايه الحنة المحررة في ايه الحنة اللي لسة في قلبك منور؟ ايه العبادة اللي انت لسة بتتحبها؟ هي دي اللي انت هتحاربه بها بعد رمضان. اكتر عبادة ربنا حبها - 00:15:37

قلبك في رمضان ايه؟ حبيت الصلاة على الرسول عليه الصلاة والسلام؟ حبيت الذكر. حبيت الدعاء؟ حبيت تلاوة القرآن؟ حبيت قيام الليل؟ حبيت الصيام ايه الحنة اللي اتحررت في قلبك؟ العبادة اللي وانت قاعد قدام الوقت قلبك منور لما تسمع اسمها هي دي الحنة اللي متحررة جوة قلبك. هي - 00:15:59

الحنة اللي الشيطان ما لوش سلطان عليها. العبادة اللي ربنا سلم قلبك لها وسلمها لقلبك. هي دي اللي هتركز عليها بعد رمضان هي دي اللي هنكت منها. ربنا فتح لك في ايه في رمضان؟ ربنا نور قلبك على عبادة ايه في رمضان؟ وليمة رمضان التعبدية دي. ايه - 00:16:19

الطبق اللي عجبك فيه طبق الذكر ولا طبق قيام الليل ولا طبق تلاوة القرآن بتدبر وقلب ولا طبق حضور الدروس الایمانية في الجامع ايه اللي انت لقطت معها؟ اللي انت لقطت معه ده اللي انت هتنطلق منه. خد بالك. خد بالك لازم تفهم معركة حروب الاسترداد - 00:16:39

انت هتعمل فيها ايه ؟ الوضع ان الدوريات الشيطانية هترجع اول ما رمضان يخلص. دوريات الشيطان هو فيه دوريات شيطانية جوة دمك اربعة وعشرين ساعة. حتى وانت نايم. قال رسول الله - 00:16:59

صلى الله عليه وسلم. ان الشيطان يجري الشيطان مش زيك. الشيطان مش ماشي سلامتين. الشيطان مش بيقدم رجله ويأخر الشيطان عارف هدفه انه يدمرك. وانك انت تبقى قدامه في خطبة ابليس في اهل النار. في المخلدين من اهل النار. وقال الشيطان - 00:17:12

لما قضي الامر مش هيكتشف عن وشه الحقيقي غير لما كل حاجة تنتهي. ان الله وعدكم وعد الحق. ووعدتكم فاخلفتكم. وما كان لي من سلطان الا ان دعوتكم فاستجبتم لي فلا تلوموني ولو مروا انفسكم ما انا بمصرخكم لو قعدتم تصرخوا للصبح ما حدش هعمل لكم - 00:17:32

وما انت بمصرخي ولا انت هتقروا تعمدوا حاجة. اني كفرت بما اشركتموني من قبل. خلاص تبت تاب بقى في جهنم بقى بالله. الخطبة بتاعة الشيطان دي هدفه ان كل واحد مننا والعياذ بالله يبقى قدامه في الخطبة دي. ده الشيطان. ان الشيطان يجري - 00:17:52

الشيطان ما عندوش وقت. الشيطان عارف قيمة العمر احنا اللي مش عارفين قيمة العمر. للاسف الشديد زي ما ربنا سبحانه وتعالى بيقول ثم جئت على قدر يا موسى جئت على قدر يعني ايه ؟ بالعامية كده بالعامية زي ما تكون انت وواحد مثلا قاعدين تتشاكلوا وخلاص الدنيا هتولع بينكم - 00:18:12

يقوم بيجي واحد صاحبكم انت بتتحبه اوي والثاني اللي بتتشاكل معه بيحبه اوي وله كلمة عليك وعليه. جه انقز الموقف جه طوق انقاذه من عند ربنا. انتم الاثنين تقولوا له ايه ؟ جيت في وقتك. اهي ثم جئت على قدر. يا موسى يعني جيت في وقتك - 00:18:32 كما قال الامام ابن القيم وكثير من اهل التفسير واللغة. يعني جيت في وقتك. يعني جيت في الوقت اللي الامة كانت تحتاجاك فيه. انت مين تحتاجك في حاجة وانت متنقص ؟ انت دين ربنا محتاج انك تبقى موجود في حاجة وانت متختلف عن نصرة دين الله. كنت بقرأ امبارح في - 00:18:52

ايات غزوة احد في سورة ال عمران. وبتدبر في قول الله ولقد صدقكم الله وعده. اذ تحسونهم باذنه. اول ما بدأت غزوة احد وبنوا الدار حاملي رواء الشرك التسعة اتقنلوا. ورایة الشرك وقعت تحت اقدام المسلمين. ما فيش مشرك جاره انه يرفعها. وهند بنت عتبة ونساء قريش - 00:19:12

طلعوا شمروا رجلיהם وطلعوا يهربوا في الجبال. وكانوا كلهم هيتاخدوا غنائم وسبايا. وكل المشركين طلعوا يحرروا عشان يهربوا. فدا دقايق انتهت المعركة. امال ايه اللي قلب المعركة تاني ؟ خمسين واحد واقفين على جبل الرماة. قوة الرمي. النبي عليه الصلة والسلام قال لهم قبل المعركة لا تبرحوا - 00:19:32

اوعوا تسيبوا مكانكم. اوعوا تسيبوا سفركم. ان رأيتمنا فهربنا عليهم شفتنا بقتلهم لا تبرحوا. وان رأيتموهم علينا لو شفتنا بنتقتل. لو شفتم النبي عليه الصلة والسلام بيتهجم عليه. فلا تبرحوا فلا تمنعونا. ما لکوش دعوة بنا خالص. انتم - 00:19:52

من هنا اوي ده صحيح البخاري هزا الحديث لا تبرحوا ان رأيتمنا ظهربنا عليهم فلا تبرحوا. وان رأيتموهم ظهروا علينا فلا ما لکوش دعوة خالص بنا. خليكم هنا اول ما شافوا الغنائم بتتلهم قالوا الغنيمة الغنيمة ونزلوا. اربعين واحد نزلوا. اول - 00:20:12

سلاح الفرسان بتاع المشركين بقيادة خالد بن الوليد. لقت ان جيش الروماني نزل قاموا لافين ومطوقين المسلمين من ضهرهم وقعدوا يقتلوا في المسلمين ويحاصروا في النبي عليه الصلة والسلام. وانقلبت المعركة في دقيقة واحدة بسبب بسبب ناس ما وفتش على صغرها - 00:20:32

بسبي نسي يعني ممكن ترك لثغرك يهزم الصف كله. فين تفرك؟ فين قضيتك؟ فين الدور اللي انت الدين لدين الله سبحانه وتعالى.  
فين؟ ان الشيطان يجري من ابن ادم. الشيطان بيجري. الشيطان عارف مهمته. وعارف قضيتك - 00:20:52

وعنده رسالة انه يدمر البشر كلهم لأن ربنا فضلهم عليه. واستخلفهم في الارض وبقوا هم خلفاء الله في الارض. وهو كان نفسه اللي يبقى خليفة الله في الارض. فالشيطان حاقد عليك. حاقد عليك. فالشيطان عارف قضيتك ان الشيطان يجري من ابن ادم مجرى الدم.  
وانى خشيت. ده كلام النبي عليه الصلاة - 00:21:12

والسلام. ان يقذف في قلوبكم شيئا. يقذف هو الشيطان عنده قذائف. هو الشيطان بيضرب هو الشيطان عنده مدفعة الشيطان يا حبيبي مكمل جيوشه ومكمل جنوده عنده اسلحته. انت عندك اسلحتك؟ انت معك جنودك؟ انت مجمل الجيوش - 00:21:32  
ما هو انت قائد جيش والشيطان قائد جيش. وانتم الاثنين داخلين معركة مع بعض بعد رمضان. هو مكمل جيوشه وحاطط خطته.  
وعارف هدفه ومكمل اسلحته وانى خشيت ان يقذف. الشيطان معه قذائف ان يقذف في قلوبكم شيئا. وعامل دوريات استطلاع  
شيطانية جوة دمك - 00:21:52

اربعة وعشرين ساعة عشان يحتل قلبك. ولو حصن القلب سقط مملكة الجسد كلها سقطت. عينيك هتبقى مستعبدة للنزر للحرام  
ودنك هتدمن سماع الحرام. رجلك هتسعى للمساوير الحرام. ايدك هتتكل هتمسك المال الحرام. بطنك هتبليع اللقمة الحرام - 00:22:12

خلاص هو سيطر على عاصمتك ومركز سيطرة الجسد كله اللي هو قلبك. الشيطان فاهم. انت فين آآ فين جنودك؟ فين الصحبة  
الصالحة اللي انت هتدخل بها المعركة دي؟ فين الجنود اللي انت هتدخل بهم معركة ابليس ولا انت عايش لوحدي؟ بتدخل - 00:22:32

الجامعة لوحدي وتخرج من الجامع لوحدي. جرب تحفظ قرآن يا اخي. اخرج من رمضان بحاجة. احفظ قرآن بحيس ان انت في  
تحفيظ القرآن هتقابل صحبة صالحة. وربنا يحفزك بسبب حفظ كلامه. فين فين اسلحتك؟ اي جيش لازم بيبقى فيه سلاح طيران - 00:22:52

لازم الطيران ده هو اللي بيأمن الجيش اصلا من غير طيارات يطلع لك العدو طيارات يضرب لك الجيش بتاعك كله. اي قاعدة عسكرية  
يقول لك جنود ان جيش مش هيتقد من غير غطاء طيران. غطاء الطيران بتاعك فين؟ ايه غطاء الطيران؟ الاستغفار. الاستغفار ده  
اسمه المغفر. المغفر اللي هو - 00:23:09

الغطاء اللي بيحميك من فوق من عند رأسك ساعة الحرب. من ضربات سيف الاعداء. الاستغفار من لزم الاستغفار. جعل الله له من  
كل هم فرجا من كل هم فرجا. ومن كل ضيق مخرجا. ورزقه من حيس لا يحتسب - 00:23:29  
مش رزقة. انت ممكن دلو قتي انا عايز فلوس. انا مزنوقي. والعيد داخل. طب اجيب فلوس ازاي؟ مراتي عايزه فلوس والعيال عايزين  
هدايا اجيب فلوس منين؟ اه. ممكن انا لي فلوس اه يا رب لو يرجع لي فلوسي وكان لي فلوس اه اه حوافز اه لو الباقي الجزء بتاع  
المرتب اللي لسة ما جاش او الحوافز - 00:23:49

انت قاعد تفكر انما ربنا بيقول لما هرزق من حيس لا تتحسب. يعني من ابواب لم تكن تتوقع ان يأتيك اصلا عشان ربنا يدوك فرجه  
وعشان ربنا يعلمك ان ربنا خلق الاسباب عشان تحكمك انت مش عشان تحكمه هو. وان ربنا ما - 00:24:09  
كلمات الله. الله قادر انه يجيب لك الرزق من ابواب لا تتخيل انها موجودة اصلا. لا تتخيل. امبارح على القهوة بقول للشباب يا شباب  
ربنا بيقول ولو ان ال القرى امنوا وانتوا لفتحنا عليهم بركات - 00:24:29

انت عارف يعني ايه فتحنا؟ ما فيش فتح غير بعد غلق. فتحنا عليهم يعني في ابواب كتير للرزق حواليك. بس مفولة. زنوبك قفلتها  
الموقع المقاطع الفاسدة على اليوتيوب قفلتها. العلاقات المحرمة قفلتها. اكل الحرام قفلها. النظر للحرام - 00:24:43  
قفليها. بعد عن عبادة الله وترك صلاة الفجر في جماعة. قفلها. قفلت لفتحنا عليهم. يعني ابواب الرزق كتير حواليك. بس بالذنب. اول  
ما هتوب ربنا هيفتح لك. هيفتح لك من عنده ابواب الرزق. لفتحنا عليهم بركات من السماء والارض. مصدقين ربنا - 00:25:03

ولا مش مصدقين ربنا؟ اللي مصدق ربنا المفروض يموت نفسه عشان يرضيه. ومن الناس من يشرى نفسه ببيع كل حاجة في حياته  
ابتناء مرضات الله. عشان ربنا يرضي. لانه لو رضي عنك هيرضيك. دنيا وآخرة. سبحانه - 00:25:23

وتعالى. الطيران من لزم الاستغفار جعل الله له من كل هم فرجا. ومن كل ضيق مخرجا. ورزقه ومن حيث لا يحتسب. طب سلاح  
المتشابهة ها آآ ما يقول لك ان الطيران ده بيأمن. انما يقول لك انت لو الجيش بتاعك فيه مiliar طيارة عمرك ما تقدر تحتل - 00:25:42

وتحرر بلد. قال لك ليه؟ قال لك لأن القوات الارضية بتاعة المشاهية اللي بتشتبك وهي اللي بتحرر الارضي لازم جيش المشادة هو  
جيش التحرير اصلا. طب ايه جيش المشاة بتاعك؟ ايه جيش المشاة بتاعك؟ مطلق الاعمال الصالحة. قال النبي، صلى الله عليه  
وسلم، ان الميت - 00:26:02

ان العبد المؤمن اذا وضع في قبره كانت الصلاة عند رأسه وكان الصيام عن يمينه وكانت الزكاة عن شماليه وكان فعل الخيرات عند  
رجليه فيؤتى من قبل ملائكة العزاب لانه عمل زنوب. ما هو ما كانش ليل نهار صلاة وزكاة وصوم. وفعل خيرات واحسان للناس  
وصنعها معروف. هو كان بي عمل زنوب برضو - 00:26:22

فتيجي ملائكة العزاب معه اخبارية ان فلان ابن فلان اللي ادفن ده عليه زنوب تستحق عذاب القبر. فتيجي ملائكة العزاب من عند  
راسه. فتقول اولوا الصلاة ما قبلي مدخل. ما حدش هيعدى من هنا. بودي جارد رهيب وافق يحميك من عذاب ملائكة العذاب.  
السلطات انت - 00:26:49

حالك ايه مع الصلاة؟ الصلاة بودي جارد ولا الصلاة بالنسبة لك واحد عنده هزال ده فرض في الجامع وتلاتة برة الجامع وفرض في في  
ميعاده واتنين برة ميعادهم والفجر ساعات يبقى الضهر يتصل. انت حالك ايه مع الصلاة؟ اللي ربنا هيحميك بها من عذاب القبر. ثم - 00:27:09

من عن يمينه. ملائكة العزاب تيجي من على اليمين. فتقول الصيام ما قبلي مدخل. حالك ايه مع الصيام؟ كل سنة وانتم طيبين  
رمضان يخلص بقى وان شاء الله صوم رمضان الجاي ولا هنكملي من صام رمضان ثم اتبعه وراه على طول. اتبعه ستا من شوال كان - 00:27:29

كصيام الدهر اتبعه يعني وراه عشان كده سواه انت هتصومهم على شوال كله ولكن الافضل انك تصومهم ورا بعض على طول تفتر  
اول يوم العيد بتقوم واحد الست ايام عشان كده في كتب الفقه في كلمة طلعها بعض الفقهاء كده وان كان عليها بعض الملاحظات  
يعني اسموا يوم تمانية شوال ايه؟ حد عارف يوم تمانية - 00:27:49

اسمه ايه؟ عيد الابرار. ليه عيد الابرار؟ لان هم يعني فكرروا ان اول يوم في شوال فطار وست ايام صيام يبقى سبع ايام يوم تمانية  
شوال بقى ايه هتفطر بقى ومش هتصوم تاني ورا بعضه. فسموه عيد الابرار عند بعض الفقهاء وان كان في ذلك نظر. انما القصة عند  
00:28:09 -

اللي قال لك سم اتبعه ده انك انت الدم بقى. الدم بقى في اتنين وخميس. علي همتك مع ربنا بقى. ثم اتبعه ستا من شوال. كان صيام  
الدهر عل همتك مع الله سبحانه وتعالى. ثم يؤتى من عن شماليه. فتقول الزكاة ما قبلي مدخل. الزكاة دلوقتي اي حد ما عنده ومه  
فلوس - 00:28:29

بتطلع زكاتك اه بتطلع زكاتي. طلع خمسين في مية. والله كل ما باشوف حد معه خير يعني محتاج خدمة ادي له. يا عم دي مش زكاة  
اللي انت مطلعها دي. دي مش - 00:28:49

بالطريقة ديت لازم تبقى حاسب انت عندهكم وہتطلع ايه. ثم يؤتى من عند رجليه فيقول فعل الخيرات من الصدقة  
والاحسان الى الناس. ما قبلي مدخل عبادة ربنا حمى بها. ايه جنود المشاة بتوعك؟ ايه جنود؟ ايه سلاح للتحام المباشر بتاعك؟ ايه  
معركة ببقى الجندي شايل رشاش - 00:28:59

وملفوف آآ حوالين وسطه وحولين اكتافه. الزخيرة الحية اللي بتمد الرشاش. ولكن بتلاقي عند ركبته كده في في البنطلون بتاع

الجنود فيه ايه ؟ مطوة صغيرة كده. سكينة صغيرة كده دي ايه دي ؟ يقول لك سلاح للاتحام المباشر. لانك لو لقيت واحد من الاعداء وش الوش مش هتمسكه - 00:29:22

رشاش. ده انت هتلتحم معه بالايدين والرجلين. فلازم يبقى معك سلاح للاتحام اللي هو السلاح الخفيف ده. ايه سلاح للاتحام المباشر بتاعك لما مع الشيطان. لما هيجي لك شيطان اسمح للاتحام المباشر. ذكر الله - 00:29:42

اللي ربنا هيحميك به مين قال اذكار الصباح والمساء مين مين مركز في الازكار يا جماعة ؟ مين مركز ان اذكار الصباح واذكار المساء دي تبقى قانون بعد الفجر وبعد العصر ؟ مش لازم تقول الخمسين ذكر اختار ذكر - 00:29:58

ولا اتنين وقلهم. بس داوم عليهم. قل هو الله احد والمعوزتين تلات مرات بعد الفجر وبعد العصر. يا سلام ! الله بسم الله الذي لا يضر مع اسمه شيء في الارض ولا في السماء وهو السميع العليم. تلات مرات. لازم يبقى عندك ذكر. لازم تبقى من اهل الذكر. لازم على طول يبقى سلاح للاتحام المباشر معك - 00:30:14

ما ينفعش تغفل عنه عشان الشيطان لو جا لك في لحزة يتعرض لك سلاحك معك. لازم تبقى مداوم على الذكر. ايه الذخيرة بتاعتك الذخيرة لازم اي جندي نازل معركة يبقى معه ذخيرة. افرض الطلقات اللي معك خلصت. الذخيرة الدعاء هو ده الزخر بتاعك - 00:30:34

كما روی عن النبي صلی الله علیه وسلم يا ذخر من لا ذخر له. يا سند من لا سند له. يا غياث من لا غياب يا سلام ربنا ذخرك. الدعاء الكلمة يا رب عشان كده النبي صلی الله علیه وسلم يقول الدعاء بين الاذان والاقامة لا يرد. الدعاء ما بين الاذان - 00:30:54

والاقامة تيجي الجامع بسرعة تلحق تدعى ربنا في دققيتين لا يرد ليه ؟ لأن اللي لحق ييجي بين الاذان والاقامة هو اللي اول ما سمع الاذان لم يرده انت استجاب فورا. فزي ما انت استجبت فورا ربنا يستجيب لك فورا. ربنا بيعاملك زي ما انت بتعامله. على حسب ما هتعامل ربنا على حسب ما ربنا هيعاملك - 00:31:14

انت اللي بتحدد هذه المعاملة. شف انت عايز ربنا سبحانه وتعالى يعاملك ازاي ؟ فين الذاكرة ؟ فين خطوط الامداد بتاعتك ؟ لازم ما فيش اي جيش لو اي جيش اقطع عن خطوط الامداد اللي بتتمده بالاكل والسلع وتبقى مصيبة. خطوط الامداد بتاعك فين ؟ المدد بتاعك فين ؟ ايه خطوط الایه - 00:31:34

امداد حضور الدروس في الجامع. ده انت بتحضر كلمة بعد صلاة يكلمك الامام عن ليلة القدر بتفضل سخنان عشر تيام. قلبك ملتهب عايز تفوز بها. وذكر فان الذكرى تنفع المؤمنين. ربنا بيعنفك بها. فين خطوط امدادك ؟ اخوانى في الله. دي - 00:31:54

معركة حقيقة ما بيننا وبين الشيطان. المعركة ملحمة شوال. هزه الملحمه هزه الملحمه الرهيبة بينك وبين الشيطان اول ما رمضان يخلص. رمضان كان معركة رهيبة. رمضان يمثل معركة رهيبة - 00:32:14

بينك وبين الشيطان. عارفين اللعبة اللي منتشرة بين الشباب الوقتي. بابجي شاب ينزل ويقاتل ويقول لك اوعى تنزل لسکول احسن مقتول وممكن تنزل شلتر لو نزلت بوشينكي مش عارف غالبا هتنقتل والشباب تلاقى مش داري بالدنيا اصلا ليه - 00:32:34

العب ببجي عارفين يا اخوانا هي الروح القتالية دي دي لعبه بقى وهم. بيتلعب ولكن حقيقة في ملحمة بين وبين الشيطان رمضان ببجي. شوال ببجي فيه ملحمة حقيقة. فيه معركة حياة او موت. لازم تدرك ده. ولازم تعيش بالروح دي. الشيطان - 00:32:54

عنه معركة اسمها الثأر المقدس. الشيطان عايز يسأر منك. معركة لا تنتهي مدى الحياة. مش هتخلص بينك وبينه ابدا. طول هي معركة تكون او لا تكون. يا انت يا هو الشيطان بيحارب بهذه الروح. انت بتحارب ازاي ؟ كل معركة لها خساير. خد بالك. كل - 00:33:14

معركة لها خساير اوعى يكون خسايرك في المعركة دي هي دانما الدنيا تروح مش مهم. ولكن الدين لا. اوعى تخسر دينك. اوعى الشيطان يضحك عليك. الایة اللي بتقهر قلب الواحد - 00:33:34

كل ما يقرأها فاذلها الشيطان عنها. وفي قراءة عشرية فازلها الشيطان. ازالها عايز يجيب لك قرار ازالة. الشيطان عايز يجيب لك قرار ازالة من الجنة. عايز تزول عن الجنة وعن السعادة. وعن - 00:33:51

الفرحة فازلهم الشيطان عنها. فاخرجهم مما كانوا فيه. شف ربنا ما قالش فاخرجهم من الجنة شف الاسلوب البلاغي المعجز فاخرجهم مما ما دي تقيد التعظيم الرهيب. مما كان فيه. اسلوب تهويل. يعني انت لا - 00:34:11

تخيل كانوا في نعيم شكله ايه! وفي سعادة شكلها ايه! وفي فرحة شكلها ايه! الشيطان فضل يلف لحد ما خرجهم منها! اوعى! بعد ما ربنا ادخلك الجنة في رمضان. الشيطان يخرجك منها بعد رمضان. اوعى تخرج من جنة الطاعة. اوعى تعرض عن الله. بعد ما ربنا دوتك - 00:34:31

انك انت تأوي الى كنف الله وتدوقي لذة الطاعة. اقول قولي هذا واستغفر الله الحمد لله وكفى وصلة وسلاما على عباده الذين اصطفى. اللهم لك الحمد كله ولك الملك كله وبيك الخير كله. واليک يرجع الامر كله - 00:34:51

لبيك يا ربنا وسعديك والخير كل الخير في يديك. والشر ليس اليك. انا بك واليک. تبارك وتعالیت. استغفرك واتوب اليك اللهم صل على الحبيب محمد وعلى ازواجه امهات المؤمنين وعلى ذريته والبيته انا حميد مجید. اما بعد. رمضان لسه ما خلصش يا جماعة - 00:35:07

رمضان لم ينتهي. اخر اتنين وسبعين ساعة في رمضان هم اخطر اتنين وسبعين ساعة في رمضان. الليلة ليلة سبعة وعشرين رمضان. على قول جمهور العلماء انها ليلة القدر ولكن يعني الملاحرز طبعا من السنين اللي فاتت ومن مراقبة العلامة الوحيدة اللي النبي عليه الصلاة والسلام ساهاها ليلة القدر. ان شمس - 00:35:27

في اليوم الذي يليها تطلع بيضاء. اليوم بتاعها بتطلع الشمس زي القمر بيضاء لا شعاع لها. من السنين اللي فاتت هي ليلة متنقلة الله يأمر هو ده ميعاد احتفال. كوني سنوي بنزول القرآن في العشر الاواخر. الله بيأمر كل سنة والله - 00:35:47

اعلم بامرها في ليلة من الليالي العشرة. فسنة تيجي واحد وعشرين زي ما ثبت في البخاري. سنة تيجي تسعه وعشرين. سنة تيجي سبعة وعشرين. سنة تيجي خمسة ولكن على قول جمهور العلماء انها ليلة السابع والعشرين. فليلة خطيرة. ليلة القدر خير من الف شهر. ليلة بقرن من الزمان. صفة قرن - 00:36:07

مع الله سبحانه وتعالى. يعني تخيل خير من الف شهر. يعني اضرب في ستيين الف ضعف. يعني مكالمة صلة الرحم الليلة اضرب في ستيين الف مكالمة يعني صفحة القرآن بستين الف صفحة. يعني صفحة القرآن بميت ختمة القرآن. تخيل! تخيل انت كده يعني عشرين عمرك - 00:36:27

عمرك بس الخلاصة من العمر بعد ما تشيل النوم والاكل والمرض والاتصالات والمواصلات مش هتشاف في عمرك على خمس سنين عبادة. جب قرن عبادة يعني عشرين عمرة قد عمرك في ليلة. فخد بالك خد بالك كويس اوبي ان اخر خمسمية مترا في السماء لازم كل عداء يجيبي نهايته فيهم - 00:36:47

ونتووضع رمضان زي ما استقبلنا رمضان بالافراح. احنا استقبلنا رمضان بالافراح. ما تعملش زي واحد استقبل واحد في بيته اهلا. ويجب له حلويات ويجب له حاجة ساقعة ويجب له غدا ويجب له فواكه ويجب له كل حاجة. وبعد كده بيقول له انا ماشي. اه الباب عندك بقى الله يكرمك ابقي شد الباب وراك وانت ماشي. يا عم - 00:37:07

انت ضيعت جمال الاستقبال ببرود الوداع. لازم الوداع يبقى حزني ما كان الاستقبال حر. فانت لازم اخر رمضان ده احسن ما عندك تقدمه لربنا سبحانه وتعالى وترى الله من نفسك من خيرا في هذه الايام القلائل. لسة الفرصة موجودة زي دمرة بن جندب لما لحق - 00:37:27

ثواب الهجرة قبل ما يموت بساعات. لما صمم انه يهاجر وهو مريض ومات بعد التنعيم. زي العباس بن عبدالمطلب. لما لحق سواب الهجرة والنبي على بعد ستة كيلو من مكة هو ما كانش يعرف. وخرج مهاجر النبي عليه الصلاة والسلام. زي علي بن ابي طالب. لما لحق انه يبقى سبب الفتح في غزوة خيبر. لما في - 00:37:47

اخر لحظة صمم انه يطلع مع النبي عليه الصلاة والسلام وهو مريض. وقال في صحيح البخاري انا اتخلف عن رسول الله وشالوه. راح متتشال كده لحد خيبر قم. قم ربنا يفتح عليك. قم ربنا يكرمك - 00:38:07

القوم ربنا يمدك بمدد من عنده. قم واصدق الله. واواعي بيقى نيتك ان خلاص تلات تيام وخلاص هنخلاص بقى ونرجع لى كنا عايزين نعمله. اواعي يكون هزه النية الفاسدة بينك وبين الله في العبادة. واعبد ربك حتى يأتيك اليقين. مش حتى ينتهي. مش حتى ينتهي رمضان. واذكركم - 00:38:23

اخواني واحبابي في الله بقول رسول الله صلى الله عليه وسلم لا يدخل الجنة قاطع. لا يدخل الجنة قاطع. اقعد صلي وصم ليل نهار. تيجي تدخل على باب الجنة يتقال لك اسمك من نوع. ليه ؟ لا يدخل الجنة قاطع. لانك قاطع للرحم. لأن عندك مشاكل مع اخواتك. عندك مشاكل مع قرائيك. عندك مشاكل مع اعمامك او اخوالك - 00:38:43

عندك مشاكل الواحد لما بيحاول الوقتي يلف على بعض الناس. يا ابني اخوك انت وهو مقاطعين بعض. واحد في الآخر استغفر الله العظيم. باقول له يا اخي صلة الرحم عشان ربنا يدخلك الجنة. قال لي مش عايز ادخل الجنة. لو دخول الجنة اصالح اخويا. استغفر الله العظيم مش عايز يدخلها. حاجة والعياذ بالله. ايه ده - 00:39:03

وصلنا لايه يا اخواني ؟ لا يدخل الجنة قاطع. يا عم اشتري كيس لمون واعصره على نفسك ورح زور قريبك. لله. انت لا تعامل البشر انت تعامل الله باكرهني. قال رسول الله صلى الله عليه وسلم افضل الصدقة احسن هدية عند ربنا مقبولة - 00:39:23 على ذي الرحم الكاشح. يعني الكاره. يعني اللي نفسه يشوفك في مشاكل ومصائب. افضل على ذي الرحم الكاشح. انت تعامل الله لا تعامل البشر. هنخرج من رمضان بايه يا جماعة ؟ الله سبحانه وتعالى يقول وجاء من - 00:39:43

اقصى المدينة رجل يسعى. قال يا قومي اتبعوا المرسلين. مين ده ؟ ده مؤمن ال ياسين. كان في اقصى المدينة بيعمل ايه ؟ قال المفسرون كان بيتربي كان قاعد متفرغ لعبادة ربنا بيتربي. بيزكي نفسه. لما ده نزل الواقع واشتغل في الدعوة عمل - 00:40:03 بطولة ربنا خلدها في القرآن ليوم الدين. انت دلوقتي في اقصى المدينة. انت دلوقتي قاعد بتتربي. انت دلوقتي قاعد بتزكي قلبك ونفسك وايمانك انت دلوقتي قاعد بتصلاح نفسك مغلق للتحسينات. بعد رمضان بقى لما هتنزل الواقعة تاني. هتعمل ايه ؟ المفروض انك تبقى بطل بعد رمضان. بعد رمضان - 00:40:23

هتعمل ايه مع القرآن ؟ ايه اللي انت هتعمله مع القرآن كما قال النبي صلى الله عليه وسلم اقرأوا سورة البقرة. ايه ايه البقرة ؟ اربعين صفحة فان اخذها بركة ربنا يبارك لك في كل حاجة في حياتك. بقرائتها وتركها حسرا. قهوة يوم القيمة ما تشفوف سواب اللي كان مداوم على قراءتها. ولا تستطيع - 00:40:43

بيعوها البطلة قال بعض شراح الحديث البطلة يعني البطالين الكسالى الكلمنجية اللي ما عندهمش عزيمة مع ربنا. فاحنا كنا قبل رمضان مش قادرین هاقرا البقرة لسة ولا خلاص الحنة دي اتصلحت - 00:41:06

هتخرج من رمضان علاقتك بالقرآن ليه ؟ ورد القرآن بتاعك حالك معه هيبيقى ايه ؟ صلاة الجماعة خدت قرار انك مش ضيع تكبيره الاحرام بعد كده ولا لسة ؟ اذكار الصباح والمساء. ايه اللي انت خرجت به من معركة رمضان ؟ ايه الغنائم اللي انت خرجت بها ؟ - 00:41:25

يعني اقف مع نفسك في التلات ايام اللي جايین دول عشان ربنا يختم لنا رمضان بخير. عشان ربنا يحصنك من الفتنة بتاعة المعاصي المتاحة ليلة العيد عشان بعد رمضان بيقى رمضان زقك لقادم. مش نخرج من المولد بلا حبس ونبقى بعد رمضان زي ما كنا قبل رمضان حرام يا جماعة. حرام - 00:41:45

اللي بيروح منك حرام زي طالب يدخل الجامعة يتخرج يتسائل عن اي معلومة ما اعرفش. اومال يا ابني كنت بتعمل ايه في الجامعة ؟ اومال يا ابني انت حليم فرق معك ايه ؟ يبص كده ومش فاهم. يا ابني انت بتضيع عمرك. خرجنا من رمضان بايه ؟ اللهم اختم لنا رمضان بكل خير - 00:42:05

اللهم اختم لنا رمضان بكل خير. اللهم اجعلنا من الفائزین بليلة القدر هذا العام. اللهم اجعلنا من الفائزین بليلة القدر هذا العام. اللهم اجعلنا من الفائزین بليلة القدر هذا العام. اللهم انك عفو كريم تحب العفو فاعف عننا. اللهم انا نعوذ برضاك من سخطك. ونعوذ - 00:42:25

فاتك من عقوبتك ونعود بك منك. لا نحصي ثناء عليك. انت كما اثنيت على نفسك. اللهم اهدا فيمن هديت. وعافنا فيمن عافيت  
وتولنا فيمن توليت. وقنا واصرف عنا شر ما قضيت. وبارك اللهم لنا فيما اعطيت. انه - [00:42:45](#)

لا ينزل من واليت. تبارك وتعاليت. اللهم رد الامة الى دينك ردا جميلا. اللهم نجنا من الفتنة ما ظهر منها وما بطن ربي انا مغلوبون  
فانتصر. ربي انا مغلوبون فانتصر. اللهم استعملنا ولا تستبدل بنا. اللهم استعملنا - [00:43:05](#)

لنصرة دينك في الارض. اللهم اهدا فنا واهد بنا واجعلنا سببا لمن اهتدى. اللهم لا تخرجنا من رمضان الا وقد غفرت ذنوبنا من النار رقابنا  
وعفوت عنا وشرحنا صدورنا وهديت قلوبنا ويسرت امورنا ووسعنا ارزاقنا - [00:43:25](#)

الفت بين قلوبنا برحمتك يا ارحم الراحمين. سبحانك اللهم وبحمدك اشهد ان لا الله الا انت استغفرك - [00:43:45](#)